

ХЭНТИЙ АЙМАГ- 2010 ОНД

Хэнтий аймгийн хувьд 2010 он их бүтээн байгуулалтын жил байсан гэж хэлж болно. Учир нь зөвхөн 2010 онд Хэнтий аймагт 32,8 тэрбум төгрөгийн хөрөнгө оруулалт хийгдсэн бөгөөд энэ нь 2009 онтой харьцуулахад 47,8 хувиар өссөн үзүүлэлт юм. Гэхдээ бид онцлох 10 ажилд хөрөнгө оруулалтаар хийгдсэн ажлуудыг оруулахаасаа илүүтэй нийгмийн салбарт, иргэдийн үйлчилгээ, тэдний эрх ашгийг хамгаалах чиглэлээр хийгдсэн ажлуудыг чухалчилж сонгосон болно.

Засгийн газрын мөрийн хөтөлбөрийг хэрэгжүүлэх үйл ажиллагааны төлөвлөгөө, Засгийн газрын тогтоол, шийдвэр болон бусад төр засгийн шийдвэрүүд, аймгийн Засаг даргын мөрийн хөтөлбөрийн хэрэгжилтийг хангах замаар авч хэрэгжүүлсэн ажлын үр дүнд хийгдсэн дараахь 10 ажлыг 2010 оны онцлох ажлаар мэдээлж байна. Үүнд:

1. Иргэдэд хууль тогтоомж сурталчлах, төрийн үйлчилгээний хүртээмжийг нэмэгдүүлэх зорилгоор www.legalinfo.mn, www.khentii.mn зэрэг цахим орчноос мэдээлэл авах боломжийг бүрдүүлж, "Цахим засаглал" хөтөлбөрийг хэрэгжүүлэх чиглэлээр бүх сумдын ЗДТГ-ыг Жи-Мобайлын интернет модемоор хангалаа. Ингэснээр бүх сумд аймгийн ЗДТГ болон албан байгууллагуудтай цахим хэлбэрээр мэдээлэл солилцох бүрэн боломжтой болж, амьдралд хэрэгжүүлэн ажиллаж байна.



2. Хууль тогтоомжийн бичмэл сангийн хүртээмжийг нэмэгдүүлэх зорилгоор бүх сум, хот тосгоны ЗДТГ, захирагчийн ажлын албыг "Хуулийн эмхэтгэл" 4 ботиор хангаж, уг ажилд орон нутгийн төсвөөс 4.0 сая төгрөг зарцууллаа. Энэ нь төрийн албан хаагчдын хууль эрх зүйн мэдлэгийг дээшлүүлэх, гаргаж буй шийдвэрүүдийн эрх зүйн үндэслэлийг зөв тогтооход чухал нөлөө үзүүлж байна.

3. "Иргэний нийгмийн байгууллагуудын чуулган"-ыг зохион байгуулж Иргэний нийгмийн байгууллагуудтай хамтран ажиллах "Санамж" бичигт гарын үсэг зурлаа. Чуулганы арга хэмжээнд аймгийн Засаг даргын нөөцөөс 1.5 сая төгрөгийн дэмжлэг үзүүлэв. Энэ үеэр аймгийн ЗДТГ, Иргэний Нийгмийн байгууллагуудын хамтын ажиллагаа, төрийн зарим чиг үүргийг ТББ-аар гүйцэтгүүлэх чиглэлийг тодорхойллоо.



4. Аймгийн ИТХ-ын 4 дүгээр хуралдаанаар "Хэнтий аймгийн Шударга ёс, ил тод байдлыг хангах үйл ажиллагааны төлөвлөгөө"-г батлуулан, түүнийг хэрэгжүүлэхэд шаардагдах зардалд 8.0 сая төгрөгийг орон нутгийн төсвөөс зарцуулав. Хан Хэнтийн хөгжлийн өдрөөр "Төрийн байгууллагууд шударга ёс ил тод нээлттэй байдлыг хангая" сэдэвт өдөрлөг зохион байгуулж аймгийн Засаг дарга мэдэгдэл хийсэн.

5. 2010 оныг "Багийн хөгжлийг дэмжих жил" болгон зарлаж, энэ ажлын хүрээнд бүх сумын төвийн болон хөдөөгийн 76 багийн Засаг даргыг /95.6 хувь/ мотоциклоор хангав. Энэ онд 9 багийн төвийг шинээр барьж, нийт багийн төвүүдийг тохижуулан дээрх ажлуудад нийтдээ 377,7 сая төгрөгийн



хөрөнгө оруулалтыг орон нутгийн төсвөөс санхүүжүүллээ. Зүүн бүсийн “Тэргүүний /загвар/ сум”-аар Өмнөдэлгэр сум шалгарч, Засгийн газрын шагнал гардаж авлаа.



6. БСШУЯ-наас дэвшүүлэн тавьсан “Боловсролын хүртээмжийг нэмэгдүүлж, чанарыг сайжруулах” зорилт, Аймгийн Засаг даргын 2009-2012 оны үйл ажиллагааны хөтөлбөр зэргийг хэрэгжүүлэх зорилгоор “Сургалтын төлбөрийг орон нутгийн төсвөөс хариуцан гэрээгээр суралцуулах журам” батлагдаж, 7 оюутны сургалтын төлбөрт нийт 4,7 сая төгрөгийг орон нутгийн төсвөөс зарцууллаа.

7. Эрүүл мэндийн салбарын 85 жилийн ойг тэмдэглэх ажлын хүрээнд ЭМШУИС-тай хамтран багш шавийн эрдмийн уулзалт, онол практикийн эрдэм шинжилгээний бага хурал хийж, энэ үеэр зохион байгуулагдсан “Эрүүл мэндийн салбарын хөгжлийн өнөөгийн байдал ба цаашдын зорилт” сургалт зөвлөгөөнд Эрүүл мэндийн салбарын сайдууд оролцов.Тус зөвлөгөөний үеэр Эрүүл мэндийн яам болон аймгийн удирдлагууд “Хэнтий аймгийн Эрүүл мэндийн салбарын дунд хугацааны стратеги”-д гарын үсэг зурж баталгаажууллаа. Зөвлөгөөн сургалтанд нийт 120 гаруй төлөөлөгчид оролцсон байна.

салбарын хөгжлийн өнөөгийн байдал ба цаашдын зорилт” сургалт зөвлөгөөнд Эрүүл мэндийн салбарын сайдууд оролцов.Тус зөвлөгөөний үеэр Эрүүл мэндийн яам болон аймгийн удирдлагууд “Хэнтий аймгийн Эрүүл мэндийн салбарын дунд хугацааны стратеги”-д гарын үсэг зурж баталгаажууллаа. Зөвлөгөөн сургалтанд нийт 120 гаруй төлөөлөгчид оролцсон байна.

8. Аймгийн Засаг даргын захирамжаар “Явуулын амбулатори” ажиллуулж, сумдыг 3 бүс болгон нарийн мэргэжлийн эмч нарын үзлэг зохион байгуулснаар хөдөөгийн нийт 17 сумын 14090 иргэн хамрагдаж, 2.4 сая төгрөгийн хөрөнгийг орон нутгийн төсвөөс зарцууллаа.



9. Хэнтий аймгийн Засаг даргын Тамгын газар, Ажил олгогч эзэд болон Үйлдвэрчний эвлэлийн холбоодын аймгийн хэмжээний байгууллагууд “Хөдөлмөрийн тухай хууль”, “Үйлдвэрчний эвлэлүүдийн эрхийн тухай хууль” зэргийг үндэслэн аймгийн хэмжээнд мөрдөх хүн амын нийгмийн хамгааллын болон иргэний хөдөлмөрлөх эрх, түүнтэй холбогдсон хууль ёсны ашиг сонирхлыг хамгаалах хүрээнд үүссэн хөдөлмөрийн харилцааны асуудлаар “Хөдөлмөр, нийгмийн зөвшлийн гурван талт хэлэлцээр”-ийг байгуулсан.



10. 2010 онд Хэрлэн сумын 3-р багт орон нутгийн төсвийн 51,0 сая төгрөгийн хөрөнгөөр хүүхэд, залуучуудад зориулсан “Соёл амралтын хүрээлэн” байгуулж, 3,4 га газрыг хашаажуулан усан оргилуур байгуулж, 300 гаруй мод суулган, сагсан бөмбөгийн талбай болон зарим тоглоомуудыг суурилуулж тохижуулах ажил хийгээд байна.